

## HORDALAND SOGELAG

## ÅRSMELDING FOR 2011

## 1. Lokalhistoriske dagar og årsmøte Hordaland sogelag 2011

Hordaland sogelag arrangerte dei 30. lokalhistoriske dagane og årsmøte i helga 19. og 20. mars i Åsane. Arrangementet laurdag var lagt til Åsatun. Festmiddagen laurdagskveld var på Øvre Eide gård. Årsmøtet sundag var lagt til Hitland Gjestegård. Etter årsmøtet var det omvisning på tekstilmuseet i Salhus, og etterpå busstur Åsane rundt. Åsane historielag hadde lagt ned eit stort arbeid, og dagane var interessante og vellukka.

*I 2012 vert dei lokalhistoriske dagane og årsmøtet i helga 17. og 18. mars haldne på Stord i samarbeid med Stord sogelag*

## Hovudtema vert: Skipsbygging.

2. Styre, revisorar og valnemnd for året 2011 – 2012

Etter valet på årsmøtet i 2011 vart styret følgjande:

Leiar:	Else Marie Kind Hevrøy	(valt i 2011 for 1 år) Fjell kulturminnelag
Nestleiar:	Mikal Heldal	(valt i 2011 for 2 år) Tysnes sogelag
Skrivar:	Sigrid Kaale	(valt i 2010 for 2 år) Kvam soge- og kulturminnelag
Kasserar:	Einar Borgund	(valt i 2011 for 2 år) Radøy sogelag
Styremedlem:	Åse Eikemo Strømme	(valt i 2010 for 2 år) Vaksdal historielag
Varamedlem:	Reidar Reime	(valt i 2011 for 1 år) Voss sogelag
Varamedlem:	Jarleiv Haugland	(valt i 2010 for 1 år) Lindås sogelag

Revisorar valde for 2011: Leif Flesland, Fana sogelag  
Marta Rykkje, Kyam soge- og kulturminnelag

Valnemnd :	Øivind Teigen, Vassvøri sogelag	valt for 3 år i 2009
	Marit Bleie Mannsåker, Hardanger historielag	valt for 3 år i 2010
	Einride Aakra, Etne sogelag	valt for 3 år i 2011

### 3. Medlemslag i Hordaland Sogelag

Det vart i 2011 registrert 34 medlemslag i Hordaland sogelag:

- Det var 12011 registrert 34 medlemslag i Hordaland sogelag.

  - 1. Arna sogelag
  - 3. Askøy museumslag
  - 5. Bergens historiske forening
  - 7. DIS Hordaland
  - 9. Etne sogelag
  - 11. Fjell kulturminnelag
  - 13. Kvam soge- og kulturminnelag
  - 15. Laksevåg kulturhistoriske forening
  - 17. Meland sogelag
  - 19. Nord- og Midhordland sogelag
  - 21. Radøy sogelag
  - 23. Stord sogelag
  - 25. Sunnhordland folkemuseum og sogelag
  - 27. Vaksdal historielag
  - 29. Voss sogelag
  - 31. Ættehistorisk institutt
  - 33. Åsane historielag.
  - 2. Askøy kulturvern og historielag
  - 4. Austrheim kyst og sogelag
  - 6. Bømlo tur- og sogelag
  - 8. Hjellestad og Milde historielag
  - 10. Fana sogelag
  - 12. Hardanger historielag
  - 14. Kvinnherad sogelag
  - 16. Lindås sogelag
  - 18. Moster sogelag
  - 20. Osterøy sogelag
  - 22. Samnanger historielag
  - 24. Sund sogelag
  - 26. Tysnes sogelag
  - 28. Vassvøri sogelag
  - 30. Vossestrand sogelag
  - 32. Øygarden sogelag
  - 34. Ytre Arna historielag

#### **4. Styret sitt arbeid**

Styret har hatt 7 styremøte i meldingsåret, og har handsama 58 saker.  
Møtestaden har vore eit møterom hos Fylkeskommunen i Bergen.

Av saker på sakskartet for meldingsåret, var programmet til dei 30. lokalhistoriske dagane og årsmøtet 2011 i Hordaland sogelag, som vart lagt til Åsane, og førebuing til dagane på Stord i 2012. Dei lokalhistoriske dagane er eit samarbeid mellom Hordaland sogelag og eit lokallag som vertslag. Hordaland fylkeskommune gjev eit årleg tilskot til desse dagane.

I tillegg til vanlege organisasjonsmessige saker har styret arbeidd med følgjande prosjekt:

##### **Turprogrammet – i vesterveg:**

For sjette året arrangerte Hordaland Sogelag studietur i vesterveg til land langs Nordsjøen der norske vikingar sette spor etter seg. I 2011 gjekk turen til Irland i dagane 23.- 30. juli.

Midt på 800-talet byrja vikingane å etablira større leirar fleire stader der dei overvintra, og desse leirane vart seinare byar som Dublin, Wexford, Waterford, Cork og Limerick. Nokre av desse vikingbyane og andre kulturhistoriske stader var målet for studituren til dei 41 deltakarane frå fleire av sogelaga i Hordaland.

Elles er det gode grunnar til å gjenta nokre av turane – i eit tilbod for dei mange som ikkje hadde høve til å vitja t.d. Island, Normandie, Hebridane, Isle of Man eller Shetland/Orknøyane.

No står austkysten av Skotland/England på programmet i 2012, og turen går i slutten av juli.

Desse studieturane er eit godt lokalhistorisk tiltak. Dei som har teke del i desse turane, har fått gode kontaktar til mange sogelag i fylket, og ikkje minst det er ein god grunn til å halda fram med desse turane. Så det er mange av oss som har lært mykje om vidfarande nordmenn før oss.

##### **Skottehandelprosjektet:**

Føremålet med prosjektet er å syna kor viktig handelen var for delar av Vestlandet gjennom fleire hundre år. Handelen gjekk i hovudsak til England/Skottland og øyane i vest, og var ei økonomisk drivkraft i mange av lokalsamfunna våre. Handelen førte og med seg ei kulturutveksling som har sett mange spor etter seg. Det er denne delen av vår historie me vil freista å formidla i notid. Gjennom utstilling av varer for eksport/import vonar me å få ei auka interesse for denne delen av vår fortid.

Styret gjorde vedtak om at midlar avsette til prosjektet (kr 47.010,-) vert overførte til Sunnhordland museum som då tek på seg gjennomføringa av ei utstilling. Fylkeskommunen har løyvt storparten av desse midlane, og dei skal ha ei orientering om overføring av pengar og korleis prosjektet skal gjennomførast. Gjennomføringa vert i regi av den tidlegare etablerte prosjektgruppa.

På den planlagde turen HS skal ha i 2012 til Dundee og Edinburgh-området, vonar me å få litt meir innsikt i skottehandelen

## **Temahefte:**

Frå Hordaland sogelag si side har me ei tid arbeidd med tanken på å gje ut temahefte der tidlegare publiserte artiklar frå ulike skriftseriar i fylket vert opptrykte på nytt i temahefte. Det ligg eit stort materiale i desse skriftseriane som ikkje er lett å finna fram til no, men som nok kunne få interesse i ei ny utgåve.

I eit prøveprosjekt vart Anton Espeland sitt arbeid frå 1920-åra, ”Segn og Soge fraa Hordaland”, prenta i 2010. Utsalsprisen er kr 50,- pr hefte, og sogelaga får heftet til kr 30,- Dei laga som var på årsmøtet 2010, fekk med seg hefte for sal i laget og krav om betaling vert sendt seinare.

Styret i Hordaland sogelag vil ut frå dei røynslene me no gjer, sjå om tiltaket let seg vidareføra. I så fall tek me sikte på ei utgåve i 2012 der tema er fiske og fangst.

## **5. Kontakt med medlemane.**

Styret sende ut eit brev til medlemslaga vedlagt referatet frå lokalhistoriske dagar og årsmøtet 2011, og melding om det konstituerte styret.

Styret sende julebrev til medlemslaga i desember 2011, der det vart orientert om planlegging av studieturar sommaren 2012, datoar for årsmøte og lokalhistoriske dagar 2012 på Stord, og status for prosjektet Temahefte.

Kontakten med lokallaga har tidlegare i hovudsak vore gjennom brev i posten, men dei siste åra har det også vore ved å senda e-post. Det har vist seg at ikkje alle laga har e-postadresse. I tillegg har det vore vanskeleg å få laga til å senda oppdaterte postadresser.

Medlemslaga vert difor sterkt oppmoda om å halda styret i Hordaland sogelag oppdatert med både e-postadresse (mail) og postadresse, slik at dei kan få dei breva og tilboda som Hordaland sogelag sender ut. Dette kan best gjerast ved å fylla ut nytt meldingsskjema etter årsmøtet.

I 2011 vart Hordaland sogelag si heimeside oppdatert og fekk ny adresse:

[www.hordalandsogelag.no](http://www.hordalandsogelag.no)

## **6. Medlemskap i andre lag**

Hordaland sogelag er medlem av:

Landslaget for Lokalhistorie (LLH)  
Hordaland Folkeakademi

Frå LLH får medlemane i styret tilsendt meldingsbladet Lokalhistorisk Magasin, som kjem med 4 nummer i året.

LLH står også for utgjevinga av Heimen, som er eit vitskapeleg tidsskrift for lokal og regional historie.

Landsstyret til LLH og landsmøtet 2013 skal leggjast til Hordaland.

Styret får god informasjon frå sekretariatet i LLH gjennom medlemsbreva som kjem med høvelege mellomrom.

Frå Hordaland Folkeakademi får laget tilbod om kurs og samarbeid om kurs.

## **7. Representasjon**

I juni møtte nestleiar Mikal Heldal for Hordaland sogelag på landsmøtet til LLH. Mikal Heldal er no varamedlem til landsstyret.

## **8. Sluttord**

Styret meiner at årsmeldinga for 2011 viser eit aktivt arbeidsår for laget.

Ebbesvika, februar 2012

HORDALAND SOGELAG

Styret

Else Marie Kind Hevrøy  
leiar

Mikal Heldal  
nestleiar

Sigrid Kaale  
skrivar

Åse Eikemo Strømme  
styremedlem

Einar Borgund  
kasserar

Jarleiv Haugland  
varamedlem

Reidar Reime  
varamedlem